

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

**Dissertationem Moralem De Norma Actionum Humanarum
Indultu Facultatis Inclytiae Philosophicae In Celeberrima
Academia Lipsiensi die VII. Maii Ann. MDCXCIIIX. H. L. Q.
C. sub Praesidio Dn. M. Joh. ...**

Lipsiae, 1698

§. XIX

urn:nbn:de:bsz:31-102642

bere, ut danti res inviolata restituatur; quo circa obligasse se ad summam in ea custodienda diligentia videtur. (3.) In quocunque negotio solius dantis versatur utilitas, in eo prestanta ab accipiente est culpa non nisi latet. Et hinc si accipiens in rebus suis negligens fuerit, non tenetur majorem rei alienae curam impendere; cum sibi imputare debeatis, qui dedit, quod eam in tam negligentem hominem transtulit.

§. XIX.

Ad ultimum illud etiam tenendum est, nisi invitus quis lèdatur, lèsionem injuriam dici non posse; quod & vulgatà regulà dicitur: *Volenti non fit injuria*. Cujus rationem Pufendorfus hanc rectè tradidit, quod debitum perfectum alteri præstandum, si volenti denegetur, ab eo donari videatur; quod item fiat, si vel volenti res sua auferatur, vel non invito aliquid malum infligatur. Quæcunque enim hic accidit lèsio, non nisi materialis est; formaliter autem talis dici non potest; cum ad rationem formalem lèsionis requiratur aversio quædam animi in eo, qui lèsus dici debet. Sed bene rem. Pufendorf. ita limitat, ut in eo id non procedere dicat, qui vel mentis suæ non fatis compos, vel urgentis alicujus affectus impetu perturbatus est. Talis enim uti jus sibi competens remittere non potest; ita nec impedire, quod minus lèsio ipsius à proæresi profecta injuriæ nomen & effectum habeat.

§. XX.

Divisio legis institui potest vel intuitu *Autoris seu Legislatoris*, vel intuitu *Objecti*. Respectu *Objecti*, prout nimurum lex versatur circa res necessariam convenientiam vel disconvenientiam cum natura humana habentes, vel minus. Et inde hoc respectu est vel *naturalis* vel *positiva*. Illius, legis scilicet *naturalis* objectum sunt res naturæ humanæ tanquam sociali necessariò vel congruentes, vel non congruentes. Hujus autem *positivæ* legis *objectum* sunt res nexum talem necessarium cum natura humana non habentes. Quænam autem res vel actiones cum natura humana necessariam convenientiam vel disconvenientiam habeant, id ex rectæ rationis dictamine collendum est; mediante quo proinde leges naturales innoscunt. LL. autem *positivæ* variis modis innoscunt, ut supra videntur;